

	<h1>SLUŽBENE NOVINE OPĆINE GORAŽDE</h1>	
Godina - V	08. februar 2012. godine GORAŽDE	Broj - 2

0790

Na osnovu člana 18. i 84. Statuta Općine Goražde („Službene novine Bosansko-podrinjskog kanona Goražde“, broj: 13/07), Općinsko vijeće Općine Goražde, na 38. redovnoj sjednici, održanoj dana 31.01.2012. godine, **d o n o s i**:

ODLUKU

**o stavljanju van snage Odluke o participaciji
Općine Goražde političkim strankama u rješavanju
pitanja sjedišta stranki**

Član 1.

Stavlja se van snage Odluka o participaciji Općine Goražde političkim strankama koje participiraju u općinskoj vlasti Općine Goražde u rješavanju pitanja sjedišta stranki, broj:01-02-1692 od 02.12.2003. godine.

Član 2.

Svi zaključeni ugovori o zakupu poslovnih prostorija sa političkim strankama koje participiraju u općinskoj vlasti Općine Goražde, kao i svi doneseni zaključci kojima se odobrava isplata novčanih sredstava političkim strankama koje participiraju u općinskoj vlasti Općine Goražde u rješavanju pitanja sjedišta stranki, uskladit će se sa ovom Odlukom.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-442
Goražde, 31.01.2012. godine

PREDSJEDAVAJUĆA VIJEĆA
Vesna Marić

0791

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06) i člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na 38. redovnoj sjednici održanoj dana 31.01.2012. godine, **d o n o s i**:

ODLUKU

**o izmjenama Odluke o jedinstvenom načinu
ustupanja, korištenja i zaštiti poslovnih prostorija i
zgrada u vlasništvu Općine Goražde**

Član 1.

U Odluci o jedinstvenom načinu ustupanja, korištenja i zaštiti poslovnih prostorija i zgrada u vlasništvu Općine Goražde („Službene novine Bosansko-podrinjskog kantona Goražde“, broj: 01/08 i „Službene novine Općine Goražde“, broj: 03/08, 01/09, 04/10, 05/11 i 06/11), stav 2. člana 21. mijenja se i glasi:

„Izuzetno, može se ugovoriti i niža zakupnina ako se poslovni prostor dodjeljuje zakupoprimcu za obavljanje zanatsko-uslužne djelatnosti, s tim da ne može biti niža od 3 KM po 1 m², a ukoliko se poslovne prostorije dodjeljuju zakupoprimcu za obavljanje proizvodnog zanatstva, industrijskih i prerađivačkih pogona za proizvodnju, te parlamentarnim strankama koje participiraju u Općinskom vijeću Općine Goražde za obezbjeđenje njihovog sjedišta, zakupnina ne može biti manja od 2 KM po 1 m²“.

Član 2.

Postojeći ugovori o zakupu poslovnih prostorija, na zahtjev zakupca, uskladit će se sa ovom Odlukom.

Član 3.

Ova odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-443

Goražde, 31.01.2012. godine

PREDSJEDAVALA VIJEĆA

Vesna Marić

0792

Na osnovu članova 6. i 24. Zakona o ravnopravnosti spolova u Bosni i Hercegovini, prečišćeni tekst („Službeni glasnik BiH“ br. 32/10) i člana 84. Statuta Općine Goražde („Službene novine Bosansko-podrinjskog kantona Goražde“ br.13/07), Općinsko vijeće Općine Goražde, na 38. redovnoj sjednici, održanoj dana 31.01.2012. godine, donosi:

O D L U K U

o usvajanju Plana prevencije i suzbijanje seksualnog i rodno baziranog nasilja na području općine Goražde za 2012-2013. godinu

Član 1.

Ovom se Odlukom usvaja Plan prevencije i suzbijanja seksualnog i rodno baziranog nasilja na području Općine Goražde za 2012-2013. godinu.

Član 2.

Sastavni dio ove Odluke je Plan prevencije i suzbijanja seksualnog i rodno baziranog nasilja na području općine Goražde za 2012-2013. godinu.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-444

Goražde, 31.01.2012. godine

PREDSJEDAVALA VIJEĆA

Vesna Marić

0793

Na osnovu člana 3. stav 1, 2. i 3. Zakona o komunalnim djelatnostima („Službeni list SR BiH“, broj: 20/90), člana 12. i 16. Zakona o vodama Bosansko-podrinjskog kanona Goražde („Službene novine Bosansko-podrinjskog kanona Goražde“ br:6/2010), člana 8. stav 3. alineja 11, člana 13. Zakona o principima lokalne samouprave („Službene novine Federacije BiH“ br. 49/06) i člana 18. i 84. Statuta Općine Goražde („Službene novine Bosansko-podrinjskog kantona Goražde“ br. 13/07), Općinsko vijeće Općine Goražde, na 38. redovnoj sjednici, održanoj dana 31.01.2012. godine, **donosi:**

O D L U K U

o vodovodu i kanalizaciji

OPĆE ODREDBE**Član 1.**

Ovom se Odlukom propisuju uvjeti i način izgradnje vodovoda i kanalizacije, održavanje vodovoda i kanalizacije i drugi uvjeti u vezi sa snabdijevanjem građana vodom na području grada Goražda i drugih naseljenih mjesta na području općine Goražde gdje su vodovod i kanalizacija predati održavanje i upravljanje komunalnoj organizaciji.

Pod vodovodom i kanalizacijom podrazumijeva se cjelokupna vodovodna i kanalizaciona mreža i sva kaptaza i druga postrojenja i instalacije koje služe za snabdijevanje vodom i za odvođenje otpadnih i atmosferskih voda.

Član 2.

Poslovi oko snabdijevanja građana i drugih korisnika vodom i poslovi oko regulisanja odvođenja otpadnih i atmosferskih voda jesu od općeg društvenog interesa i mogu se povjeriti na upravljanje samo preduzeću koje je registrovano za vršenje te djelatnosti i ispunjava potrebne uvjete propisane posebnim propisima za obavljanje ove djelatnosti.

Na području grada Goražda i drugih naselja poslovi upravitelja, održavanja, rekonstrukcije i davanja saglasnosti na nove priključke, povjeravaju se Javnom preduzeću „6. mart“ d.o.o Goražde (u daljem tekstu: Komunalno preduzeće), uz uvjete iz stava 1. prethodnog člana.

Odredbe prethodnog stava odnose se i na vodovodnu i kanalizacionu mrežu koju u narednom periodu preuzme javno preduzeće od mjesnih zajednica, pod uvjetima propisanim ovom Odlukom.

Član 3.

Komunalno preduzeće kojem je povjereno da upravlja i održava vodovod i kanalizaciju u gradu i

prigradskim naseljima može preuzeti na upravljanje i održavanje vodovod i kanalizaciju na selu koju su izgradili građani svojim sredstvima, pod uvjetom da su mreža i ostali uređaji izgrađeni po propisima o izgradnji tih objekata.

Preuzimanje na upravljanje i održavanje vodovodne i kanalizacione mreže na seoskom području uređuje se ugovorom ravnopravno građani-investitori, mjesna zajednica na čijem se području nalazi mreža i komunalno preduzeće koja preuzima mrežu na upravljanje.

Član 4.

Općinsko vijeće, na zahtjev mjesne zajednice, može odluzeti od javnog komunalnog preduzeća upravljanje i održavanje vodovoda i kanalizacije, ukoliko ista ne ispunjava propisane uvjete za obavljanje ove djelatnosti ili ukoliko ovu djelatnost obavlja na nezadovoljavajući način.

Ukoliko dođe do oduzimanja mreže iz prethodnog stava, poslovi upravljanja i održavanja mreže mogu se povjeriti samo privrednom društvu koje ima propisane uvjete za obavljanje ove djelatnosti.

Povjeravanje poslova iz prethodnog stava ovog člana vrši se ugovorom.

Ukoliko se poslovi uprave i održavanja vodovodne i kanalizacione mreže povjere drugom privrednom društvu, u potpunosti će se na njega primjenjivati odredbe ove Odluke.

II-IZGRADNJA VODOVODA I KANALIZACIJE

Član 5.

Izgradnja vodovoda i kanalizacije na urbaniziranom području grada i prigradskih naselja može se vršiti samo na osnovu odobrenja nadležne općinske službe.

Pod prigradskim naseljem se podrazumijevaju naselja koja su van užeg urbanog područja.

Radove iz stava 1. ovog člana može izvoditi samo privredno društvo ako ima pribavljenu licencu za tu vrstu posla, na osnovu projektne dokumentacije koja mora biti usaglašena sa urbanističkim planom - rješenjem izgradnje vodovodne i kanalizacione mreže tog područja.

Izuzetno od odredaba prethodnog stava, dio radova mogu izvoditi i sami građani ako se radovi izvode van užeg urbanog područja.

Pod radovima iz prethodnog stava podrazumijevaju se samo radovi na iskopu i zatrpavanju kanala i izvođenje drugih radova za koje nije potrebna stručna sprema.

Član 6.

Kod izgradnje vodovodne i kanalizacione mreže mora se voditi računa da se izgradnjom nove mreže ne dovede u pitanje uredno snabdijevanje vodom i normalno funkcionisanje kanalizacije ranije priključenih korisnika.

Ukoliko dođe do ometanja urednog snabdijevanja vodom i normalnog funkcionisanja vodom i normalnog funkcionisanja kanalizacije zbog opterećenja usljed davanja većeg broja saglasnosti za priključke, komunalno preduzeće je dužno o svom trošku izvršiti rekonstrukciju mreže ili na drugi način obezbijediti ranijim korisnicima ranije stanje.

Član 7.

Nadležni organ Općine koji izdaje odobrenje za gradnju dužan je, prije izdavanja odobrenja, pribaviti pismeni dokaz od komunalnog preduzeća da izgradnjom nove mreže neće doći u pitanje normalno funkcionisanje postojeće na tom dijelu grada ili naselja.

Kod izvođenja radova na izgradnji vodovoda i kanalizacije, vlasnici, odnosno korisnici zemljišta preko kog prelazi mreža i na kom se moraju izvoditi radovi, dužni su omogućiti prelaz preko zemljišta i izvođenje radova na zemljištu.

Ukoliko vlasniku, korisniku zemljišta, nastane šteta izvođenjem radova na izgradnji vodovoda i kanalizacije, investitor je dužan, u skladu sa zakonom, štetu nadoknaditi.

Na zahtjev vlasnika, korisnika zemljišta, šteta se na zemljištu mora procijeniti prije izvođenja radova.

Član 8.

Kod izgradnje vodovodne i kanalizacione mreže i drugih objekata koji služe vodovodu i kanalizaciji (rezervoari, kaptaze, septičke jame i dr.) vodit će se računa o uvjetima i pridržavanju odredaba iz odluke o uspostavljanju i održavanju zone sanitarne zaštite izvorišta i obavezno je pridržavati se mjera propisanih ovom Odlukom.

Investitor, odnosno izvođač radova, je obavezan po završetku polaganja cijevi, a najkasnije u roku od deset dana, dovesti u prvobitno stanje raskopani prostor - izvršiti zatrpavanje kanala i asfaltiranje, ukoliko je asfalt ili beton prekopan, očistiti prostor i dr.

III PRIKLJUČIVANJE I ODRŽAVANJE VODOVODA I KANALIZACIJE

Član 9.

Svaka postojeća i novoizgrađena stambena, stambeno-poslovna ili poslovna zgrada na području grada Goražda i naselja u kojima je vodovod i kanalizaciju preuzelo na upravljanje i održavanje komunalno preduzeće, mora biti priključena na vodovod i kanalizaciju po polaganju uličnih cijevi u roku od od 12 mjeseci.

Izuzetno od odredaba prethodnog stava, priključak se neće dozvoliti ako postoje smetnje iz članova 6. i 7. ove Odluke.

Ukoliko ne postoji mogućnost priključivanja objekta na vodovod i kanalizaciju, može se dozvoliti, priključivanje na izgrađenu sopstvenu mrežu i izgradnja septičke jame.

Komunalno preduzeće koje upravlja vodovodom i kanalizacijom i naplaćuje predviđeni iznos za održavanje kanalizacije, dužno je o svom trošku redovno čistiti septičke jame vlasnika, odnosno korisnika septičkih jama.

Ukoliko se ne naplaćuje održavanje kanalizacije, obaveza iz prethodnog stava ne postoji.

Član 10.

Ukoliko se vrši priključivanje na vodovod i kanalizaciju objekta koji su izgrađeni za potrebe jednog ili više objekata, a finansiranje je vršeno iz sredstava vlasnika objekta, moraju se obezbijediti dokazi da je voda ispravna za piće i obezbijediti uvjeti za odvođenje otpadnih voda. Ukoliko nema kanalizacije, moraju se izraditi propisne septičke jame, odnosno septičke jame moraju biti izgrađene prema propisima koji moraju ispunjavati sve sanitarno-higijenske uvjete.

Član 11.

Priključak na vodovodnu i kanalizacionu mrežu u gradu Goraždu i naseljima gdje vodovodom i kanalizacijom upravlja komunalno preduzeće, odobrvat će općinska služba nadležna za komunalne poslove uz prethodno pribavljenu saglasnost komunalnog preduzeća koje upravlja vodovodom i kanalizacijom.

Određbe prethodnog stava odnose se na sva pravna i fizička lica.

Izuzetno od odredaba stava 1. ovog člana, za priključivanje na vodovod i kanalizaciju na selu za mrežu koju je preuzelo na održavanje komunalno preduzeće od mjesne zajednice, tražiće se saglasnost mjesne zajednice, koja je dužna dobiti saglasnost investitora izgrađenog vodovoda i kanalizacije.

Član 12.

Ne može se zabraniti priključivanje na vodovodnu i kanalizacionu mrežu ukoliko ne postoje smetnje iz članova 6. i 7. ove Odluke, bez obzira ko je nosilac ili je bio nosilac investicije, kao i bez obzira gdje se vrši priključivanje, tj. na kom dijelu mreže, s tim što priključivanje mora biti prije mjesta na kome se nalazi brojilo-vodomjer ranije priključenog korisnika.

Ukoliko je fizičko ili pravno lice investiralo u mrežu vodovoda i kanalizacije ili u dio mreže na koju se priključuje novi korisnik, ima pravo na naknadu od novog korisnika na srazmjeran dio troškova koji su uloženi u izgradnju mreže.

Za objekte izgrađene bez odobrenja za gradnju ne može se dati odobrenje za priključak na vodovod i kanalizaciju.

Član 13.

Priključivanje na vodovodnu i kanalizacionu mrežu može vršiti samo Komunalno preduzeće koje upravlja vodovodom i kanalizacijom, na osnovu odobrenja nadležnog općinskog organa. Komunalna organizacija može ove poslove vršiti putem svojih stručnih radnika ili angažovanjem drugog izvođača koji se bavi ovom djelatnošću.

Član 14.

Priključivanje na vodovod i kanalizaciju se mora stručno izvršiti, a cijevi i ostali materijal koji se ugrađuje mora odgovarati propisanim standardima.

Dubina kanala za polaganje vodovodnih i kanalizacionih cijevi mora biti u skladu sa projektnom dokumentacijom.

Član 15.

Troškove priključka na vodovodnu i kanalizacionu mrežu snosi vlasnik, odnosno investitor objekta na koji se vrši priključivanje. Svaka zgrada koja se spaja sa vodovodom, odnosno sa kanalizacijom, mora imati svoj zaseban spoj neposredno sa ulične vodovodne, odnosno kanalizacione cijevi, a izuzetno, ako je previše udaljenje uličnih cijevi može se dozvoliti spoj sa susjednom zgradom. Odobrenje za spoj sa susjednom zgradom izdaje komunalno preduzeće koje upravlja vodovodom i kanalizacijom, koja mora voditi računa da novi priključak neće ranijim korisnicima pricinjavati poteškoće u snabdijevanju vodom i za normalno funkcionisanje kanalizacije.

Pored troškova priključka iz prethodnog stava ovog člana, vlasnik, odnosno investitor objekta na koji se vrši priključenje vodovodne i kanalizacione mreže, dužan je platiti naknadu u paušalnom iznosu po 1m²

korisne površine objekta. Visinu naknade po 1m² utvrđuje nadležni organ komunalnog preduzeća.

Član 16.

Svi priključci vodovoda i kanalizacije moraju biti registrovani kod Komunalnog preduzeća koje upravlja vodovodom i kanalizacijom, a prije puštanja u eksploataciju mora se izvršiti tehnički prijem od strane komunalnog preduzeća.

Član 17.

Održavanje vodovoda i kanalizacije, spojeva i ostalih uređenja koji su vezani za vodovod i kanalizaciju, vrši komunalno preduzeće iz člana 2. ove Odluke.

Poslovi održavanja vodovoda i kanalizacije mogu se povjeriti i vlasnicima zanatskih radnji vodoinstalaterske struke.

Komunalno preduzeće dužno je u roku od 24 sata otkloniti kvar na vodovodnoj i kanalizacionoj mreži po saznanju o nastanku kvara, ukoliko kvar nije veće prirode; a ako je kvar veće prirode, obezbijediti da ne nastane šteta i otpočeti sa otklanjanjem kvara.

Član 18.

Troškovi održavanja i otklanjanja kvarova na mreži i uređajima i kanalizacije padaju na teret:

1. Komunalno preduzeće:
 - za cjelokupnu mrežu i uređaje za kanalizaciju do prvog šahta na koji je zgrada priključena u kome se spajaju dva ili više priključaka i gdje se može konstatovati da li je kvar prouzrokovao vlasnik - korisnik objekta,
 - za vodu do vodomjera, odnosno do šahta uključujući cio šaht.
2. Vlasnika - korisnika objekta od mjesta gdje prestaje obaveza komunalne organizacije pa do objekta i u objekat.

Kod korisnika vode koji ne posjeduje vodomjer, troškovi održavanja i opravke do vanjske ivice zida padaju na teret komunalnog preduzeća.

Ako kvar na mreži i uređajima vodovoda i kanalizacije nastane krivicom pojedinaca ili pravnih lica, bilo na kom djelu mreže, troškove opravke snose lica koja su kvar prouzrokovala.

Član 19.

Nabavka vodomjera pada na teret vlasnika - korisnika zgrade, a njihovo održavanje i zamjena nakon dotrajalosti, pada na teret komunalnog preduzeća.

Nadležni organ komunalnog preduzeća može propisati posebnu naknadu za održavanje vodomjera.

Saglasnost na visinu naknade iz prethodnog stava daje Općinsko vijeće Općine Goražde.

Član 20.

Kontrolu ispravnosti vodovodne i kanalizacione mreže vrši Komunalno preduzeće koje upravlja vodovodom i kanalizacijom putem svojih radnika ili putem drugog pravnog lica koje ima stručnu radnu snagu i ovlaštenje za vršenje tih poslova.

Preduzeće koje upravlja vodovodom i kanalizacijom mora imati urednu evidenciju o kontroli mreže u koju se upisuje zatečeno stanje prilikom kontrole.

Komunalno preduzeće dužno je vršiti redovnu kontrolu vode za piće i dezinfekciju prema važećim propisima.

Pravo kontrole i održavanja vodovodne i kanalizacione mreže, pored komunalnog preduzeća, imaju i vlasnici, korisnici objekta, na dijelu mreže za koji dio održavanje plaća vlasnik - korisnik.

Član 21.

Radnici ovlašteni za vršenje kontrole vodovodne i kanalizacione mreže imaju pravo pristupa u sve prostore i prostorije gdje se nalazi mreža uz prisustvo vlasnika, odnosno korisnika prostora i prostorija. Radnici koji vrše kontrolu moraju imati pismeno ovlaštenje.

Kontrola ispravnosti funkcionisanja mreže kojom upravlja komunalno preduzeće vrši se najmanje jedanput mjesečno u svim objektima i na svim linijama grada i naseljima gdje mrežom upravlja komunalno preduzeće, uz obavezno učešće općinskog komunalnog inspektora.

O nađenom stanju prilikom vršenja kontrole obavezno se sastavlja zapisnik koji potpisuje vlasnik, odnosno korisnik objekta ili lice koje se zateklo prilikom vršenja kontrole.

Član 22.

Radnici koji vrše kontrolu vodovodne i kanalizacione mreže, ako konstatuju nedostatak, dužni su narednog dana podnijeti pismeni izvještaj rukovodiocu, a rukovodilac je dužan obezbijediti otklanjanje nedostatka u roku koji ne može biti duži od sedam dana, što zavisi od prirode kvara, odnosno nedostataka. Ukoliko je kvar - nedostatak konstatovan na dijelu mreže za čije je održavanje odgovoran vlasnik - korisnik, komunalna organizacija je dužna obavijestiti vlasnika - korisnika mreže i odrediti mu rok otklanjanja nedostatka - kvara. Ako vlasnik-korisnik mreže ne otkloni nedostatak - kvar u

određenom roku, učinit će to komunalno preduzeće o trošku vlasnika - korisnika mreže.

Komunalni inspektor će redovno kontrolisati da li su preduzete radnje iz prethodnog stava ovog člana i u slučaju uočenih nedostataka na preduzimanju radnji i mjera naložit će svojim rješenjem preduzimanje određenih mjera.

IV- REKONSTRUKCIJA MREŽE

Član 23.

Rekonstrukcija vodovodne i kanalizacione mreže može se vršiti samo na osnovu odobrenja nadležnog općinskog organa za poslove urbanizma. Odobrenje za rekonstrukciju mora sadržavati svu potrebnu dokumentaciju iz Zakona o prostornom uređenju i građenju Bosansko-podrinjskog kanona Goražde.

Član 24.

Rekonstrukciju vodovodne i kanalizacione mreže može vršiti isključivo izvođač koji ima prbavljenu odgovarajuću licencu za obavljanje ove vrste poslova.

Mjerne instrumente na vodovodnoj mreži može postavljati i na istim vršiti opravke i održavanje komunalno preduzeće koje upravlja vodovodom.

Za urađene radove potrebno je pribaviti atest ovlaštene stručne službe.

Član 25.

Troškovi rekonstrukcije vodovodne i kanalizacione mreže padaju na teret komunalne organizacije i vlasnika - korisnika objekta na dijelovima mreže kao i kod održavanja iz člana 18. ove Odluke.

V KORIŠTENJE VODE

Član 26.

Voda iz vodovodne mreže može se koristiti za redovne i vanredne potrebe.

Pod redovnim potrebama se podrazumijeva korištenje vode u domaćinstvu, za piće, kuhanje, pranje, ispiranje sanitarnih uređaja i slično.

Pod redovnim potrebama korištenja vode se podrazumijeva i trošenje vode od strane pravnih i fizičkih lica koja vodu koriste za potrebe koje su neophodne za vršenje privredne ili druge djelatnosti.

Pod vanrednim potrebama korištenje vode podrazumijeva se korištenje vode za zalijevanje bašta, pranje vozila, trošenje vode kod izvođenja građevinskih radova.

Član 27.

Prvenstvo za korištenje vode ima korištenje vode za redovne potrebe, dok se voda za vanredne potrebe može koristiti samo pod uvjetom da postoji višak vode za redovne potrebe.

Zabrana i ograničenje potrošnje vode mora se objaviti putem sredstava javnog informisanja, izuzev u hitnim slučajevima.

Komunalno preduzeće može u slučaju potrebe uvesti povremeno zatvaranje vode za pojedine dijelove grada i naselja u određenim danima i za nužno potrebno vrijeme.

O uvođenju redukcije - zatvaranja vode korisnici se moraju obavijestiti jedan dan ranije.

VI PLAĆANJE ZA UTROŠENU VODU I UPOTREBU KANALIZACIJE

Član 28.

Osnovica za utvrđivanje visine naknade za potrošnju vode je 1m^3 , a visina naknade obračunava se množenjem cijene 1m^3 sa ukupnom potrošnjom vode u toku mjeseca, utvrđenom na osnovu očitavanja potrošnje na vodomjeru u stvarnom iznosu ili po korisnicima na osnovu broja članova domaćinstva.

Visinu naknade po 1m^3 za fizička i pravna lica utvrđuje nadležni organ komunalnog preduzeća, a na istu saglasnost daje Općinsko vijeće.

U cijenu naknade moraju biti ugrađeni troškovi plata, hemikalija, energije i drugih stvarnih troškova proizvodnje i distribucije vode. Ukoliko u cijenu nisu ugrađeni naprijed navedeni troškovi, Općinsko vijeće neće dati saglasnost.

Općinsko vijeće može odlučiti da dio troškova iz stava 3. ovog člana pokriva iz Budžeta Općine Goražde, kao i troškove investicionog održavanja.

Mogu se odrediti veće cijene za vodu za vanredne potrebe od cijena za redovne potrebe, ako postoji mogućnost mjerenja utroška vode za vanredne potrebe (poseban vodomjer).

Član 29.

Plaćanje cijene za utrošenu vodu vrši se na osnovu očitavanja vodomjera.

Cijena za korištenje kanalizacije iznosi 30% cijene 1m^3 potrošene vode mjesečno.

Obveznik plaćanja cijene za vodu i kanalizaciju je vlasnik, odnosno korisnik zgrade ili prostora, odnosno član domaćinstva koji ima izvor prihoda.

Ako korisnik vode i kanalizacije ne stanuje u stanu, dužan je ovlastiti lice koje će u ime njega plaćati za potrošnju vode i za korištenje kanalizacije.

Član 30.

Za stambene zgrade gdje se više korisnika koristi vodom sa jednog vodomjera, plaćanje se vrši po korisnicima na osnovu broja članova domaćinstva.

Ne može se preko istog vodomjera vršiti snabdijevanje stambenih i poslovnih prostorija.

Vlasnici stambenih zgrada, kućni savjet i korisnici poslovnih prostorija, kao i vlasnici poslovnih prostorija, obavezni su prijavljivati svaku promjenu vlasništva i korištenja prostora komunalnom preduzeću koje upravlja vodovodom i kanalizacijom.

Član 31.

Očitavanje vodomjera kod individualnih potrošača mora se vršiti svakog mjeseca, na osnovu kojih se izdaju računi za plaćanje utroška vode i kanalizacije.

Ako dođe do isključenja zbog neizmirenog duga, priključak na vodovodnu i kanalizacionu mrežu mora se izvršiti u roku od 24 sata, po izmirenju duga o utrošku korisnika vode i kanalizacije.

Očitavanje vodomjera kod potrošača pravnih lica vrši se takođe svakog mjeseca, a plaćanje se vrši u zakonskim rokovima.

Član 32.

U slučaju da se u roku između dva očitavanja, odnosno kontrole, vodomjer pokvari, obračun utroška vode će se izvršiti na osnovu obračuna u istom prethodnom periodu, uvažavajući nastale promjene u cijenama ili druge promjene koje bi mogle biti uticati na smanjenje ili povećanje utroška vode.

Član 33.

Komunalno preduzeće koje naplaćuje naknadu za isporuku vode i za korištenje kanalizacije obavezno je za sve individualne potrošače obezbijediti uplatne knjižice sa uputstvom o cijeni, načinu obračuna i uplate akontacije za vodu i kanalizaciju. Uputstvo mora sadržavati i uput korisnicima za eventualne reklamacije oko obračuna.

Član 34.

Neće se naplaćivati naknada za vodu koja se koristi za javne fontane, gašenje požara, pranje i polijevanje ulica, za vodu koja ističe zbog kvara na mreži prije spoja ili na spoju vodomjera zbog pucanja stakla, kao i usljed pucanja cijevi i drugih vanrednih potreba za vodom od višeg općeg interesa ili više sile i slično.

Član 35.

U slučaju suše ili drugih vremenskih nepogoda, kao i zbog izvođenja radova na vodovodu, može se zavesti štednja vode. Naredbu o zavodu štednje vode donosi načelnik Općine Goražde na prijedlog komunalne organizacije koja upravlja vodovodom.

Za vrijeme dok je na snazi naredba o štednji vode zabranjeno je trošenje vode za vanredne potrebe, a uvodi se smanjenje trošenja vode i za redovne potrebe.

VII JAVNE ČESME**Član 36.**

Javne česme na području na kome su vodovod i kanalizacija predati na upravljanje i održavanje Komunalnm preduzeću, mogu se postavljati samo na osnovu odobrenja tog preduzeća, a koje mora imati odobrenje za građenje iz člana 5. ove Odluke.

Građani ili pravna lica koji traže postavljanje javnih česmi dužni su plaćati vodu po očitanoj stanju na vodomjeru.

Održavanje javnih česmi i odvodnih instalacija sa javnih česmi, vrši komunalna organizacija koja upravlja vodovodom i kanalizacijom.

Član 37.

Plaćanje u paušalnom iznosu na osnovu prosječnog utroška vode kod domaćinstava koja imaju vodomjer, plaćaju domaćinstva koja koriste vodu sa javnih česmi, a nemaju vodu u stanu, kao i domaćinstva koja nisu, iz opravdanih razloga, izvršila ugrađivanje vodomjera.

VIII NEDOPUŠTENE RADNJE NA VODOVODU I KANALIZACIJI**Član 38.**

Nije dopušteno na javnim česmama pranje rublja, vozila i drugih prevoznih sredstava, kao ni vršiti pranje ma kakvih predmeta ili robe.

Nije dopušteno trošenje vode za pranje ili polijevanje bašti, ulica, vrtova, kao i svako drugo rasipanje vode za vrijeme dok traje naredba o ekonomisanju sa vodom zbog suše i sl.

Zabranjeno je u kanalizaciju bacati krpe, smeće, pepeo, led, snijeg, kosti i ma kakve čvrste predmete. Zabranjeno je u kanale bacati zapaljive materijale, ulje, masne krpe, kao i drugi zapaljivi materijal koji bi mogao izazvati požar ili eksploziju.

Zabranjeno je ubuduće vršiti priključenje odvoda površinskih voda u fekalnu kanalizaciju.

Član 39.

Komunalno preduzeće koje upravlja vodovodom i kanalizacijom izvršit će isključivanje korisnika sa vodovodne i kanalizacione mreže pod sljedećim uvjetima:

1. ako korisnik odjavi korištenje vode i kanalizacije, a drugi korisnik ne izvrši prijavljivanje u roku od 15 dana,
2. kad nastupe veći kvarovi na mreži i kada je potrebno izvršiti zatvaranje vode radi opravke mreže,
3. ako se račun za potrošnju vode i korištenje kanalizacije ne uplati u roku od 15 dana ili ako pretplatnik, individualni potrošač, bez opravdanog razloga ne uplati akontaciju za protekli mjesec do 15. dana u mjesecu,
4. ako korisnik vode vodu upotrebljava za vanredne potrebe bez prethodnog odobrenja.

Komunalno preduzeće koje upravlja vodovodom i kanalizacijom dužno je o namjeravanom zatvaranju vode iz prethodnog stava ovog člana obavijestiti korisnika vode u roku od sedam dana ranije.

Troškovi zatvaranja - isključivanja vode i ponovnog priključivanja padaju na teret pravnog ili fizičkog lica čijom krivicom je došlo do zatvaranja vode, odnosno lica koje nije izvršilo svoje obaveze ili je prouzrokovalo kvar na mreži zbog čega je bilo nužno izvršiti zatvaranje vode.

X KAZNENE ODREDBE**Član 40.**

Novčanom kaznom u iznosu od 500 KM do 2.000 KM, kaznit će se za prekršaj pravno lice ako postupi suprotno odredbama članova 5, 7, 8, 11, 12, 13, 16, 23, 27, 30, 35, 38. i 46 ove Odluke.

Za prekršaj iz prethodnog stava kaznit će se i odgovorno lice u pravnom licu od 100 do 500 KM.

Za prekršaj iz stava 1. ovog člana kaznit će se pojedinac kao fizičko lice novčanom kaznom od 200 do 1.000 KM.

Član 41.

Komunalno preduzeće koje upravlja vodovodom i kanalizacijom kaznit će se za prekršaj od 5.000 do 2.000,00 KM, ako postupi suprotno odredbama članova 5, 8, 9, 10, 11, 12, 14, 16, 17, 20, 21, 22, 23, 27, 31. i stav 2. člana 46. ove Odluke.

Za prekršaj iz prethodnog stava kaznit će se i odgovorno lice u pravnom licu od 100,00 do 500,00 KM.

Član 42.

Novčanom kaznom od 200,00 do 1.000,00 KM kaznit će se pravno ili fizičko lice ako ne dozvoli ovlaštenom radniku pristup u prostorije ili druga zatvorena ili ograđena mjesta radi kontrole (član 21. stav 1.)

Član 43.

Novčanom kaznom od 500,00 do 3.000,00 KM kaznit će se za prekršaj pravno lice ako:

- ne održava kućne instalacije vodovoda i kanalizacije u ispravnom stanju te dođe do beskorisnog oticanja vode, nanošenja štete drugom ili zagađivanja okoline fekalijama,
- dozvoli priključak na vodovod ili kanalizaciju fizičkom ili pravnom licu ili organizaciji koja nema odobrenje za priključak vode i kanalizacije sa svog priključka,
- odšteti vodovodnu ili kanalizacionu mrežu ili dio mreže i uređaja, a to ne prijavi komunalnom preduzeću,
- koristi vodu za svoje ili tuđe potrebe mimo vodomjera i učini ma kakve radnje koje omogućavaju korištenje vode bez vodomjera ili namjerno vrši kvarenje ispravnog vodomjera,
- ne prijavi komunalnom preduzeću kvar na vodomjeru čim bude saznao za taj kvar u roku od 24 sata,

Za prekršaj iz prethodnog stava kaznit će se i odgovorno lice u pravnom licu novčanom kaznom u iznosu od 200,00 do 5.000,00 KM.

Za prekršaj iz stava 1. ovog člana kaznit će se i pojedinac - fizičko lice od 200,00 KM do 1.000,00 KM.

XI NADZOR NAD SPROVOĐENJEM OVE ODLUKE**Član 44.**

O sprovođenju odredaba ove Odluke starat će se općinska komunalna inspekcija, izuzev članova 28, 29, 31. i 32, gdje će nadzor vršiti kantonalna tržišna inspekcija i članova 5, 13, 14, 23. i 24, gdje je za nadzor ovlaštena kantonalna građevinska inspekcija.

O sprovođenju odredaba stava 3. člana 20. starat će se kantonalna sanitarna inspekcija.

XII ZAVRŠNE ODREDBE**Član 45.**

Komunalno preduzeće i drugi vlasnici i korisnici komunalnih uređaja dužni su voditi evidenciju o komunalnim uređajima u horizontalnom i

vertikalnom smislu, kao i o profilu položene instalacije.

Položene instalacije se ne smiju zatrpavati prije nego što budu snimljene.

Član 46.

Korisnik komunalnih uređaja dužan je prijaviti nadležnom općinskom organu početak snimanja svojih uređaja i podatke snimanja predati istom radi evidencije i ucrtavanja, a sve u skladu sa Zakonom o katastru komunalnih uređaja („Službeni list SRBiH“ broj: 21/77), kao i Pravilnikom o izradi i održavanju komunalnih uređaja, koji je donesen na osnovu ovog Zakona.

Član 47.

Danom stupanja na snagu ove Odluke prestaje da važi Odluka o vodovodu i kanalizaciji („Međuopćinski službeni glasnik Sarajevo“, broj: 20/80 i 38/84).

Član 48.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-445

Goražde, 31.01.2012.godine

PREDSJEDAVAJUĆA VIJEĆA

Vesna Marić

0794

Na osnovu člana 7. stava 2. Odluke o privremenom korištenju javnih površina na području općine Goražde (“Službene novine Bosansko-podrinjskog kantona Goražde” broj: 16/07) i člana 18 i 84. Statuta Općine Goražde (“Službene novine Bosansko-podrinjskog kantona Goražde” broj: 13/07), Općinsko vijeće Općine Goražde, na 38. redovnoj sjednici, održanoj dana 31.01.2012. godine, d o n o s i:

O D L U K U

o usvajanju Elaborata o javnim površinama na području Općine Goražde za 2012. i 2013.godinu

Član 1.

Ovom se Odlukom usvaja Elaborat o javnim površinama na području općine Goražde za 2012. i 2013. godinu, koje će se privremeno koristiti za namjene u skladu sa Odlukom o privremenom

korištenju javnih površina na području Općine Goražde.

Član 2.

Lokacije za privremeno korištenje javnih površina koristit će se u okviru sljedećih mikrolokaliteta i to:

- | | |
|-------------------------------------|--------------------|
| 1. “Trg branilaca” | 14. “Titova ulica” |
| 2. “Alije Hodžića” | 15. “Pobjeda” |
| 3. “Kulina bana” | 16. “Baćci” |
| 4. „Ibrahima Čelika“ | 17. “Vitkovići” |
| 5.”Zaima Imamovića” | 18. “Mravinjac” |
| 6.”Gradska dvorana” | 19. “Džindići” |
| 7. “Ferida Dizdarevića” | 20. “Vranići” |
| 8. “43. drinske brigade” | 21. ”Osanica” |
| 9. “Meha Drljevića” | 22. “Ilovača” |
| 10.”Rasadnik” | |
| 11. “Splavište | |
| 12. „1. maj” | |
| 13. “1. slavne višegradske brigade“ | |

Član 3.

Elaborat o javnim površinama sastoji se od uvoda, grafičkog prikaza (kopija katastarskih planova sa ucrtanim lokacijama) i tabelarnog djela u kome su prikazani urbanističko-tehnički uvjeti, namjena i početni iznos naknade za privremeno korištenje javnih površina za postavljanje privremenih objekata.

Član 4.

Naknade za privremeno korištenje javne površine mogu se utvrditi i u većem iznosu od iznosa utvrđenih u Elaboratu, ukoliko se takav iznos naknade postigne u postupku javnog oglasa.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-446

Goražde, 31.01.2012. godine

PREDSJEDAVALA VIJEĆA

Vesna Marić

0795

Na osnovu člana 174. i člana 184. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), člana 19. i člana 137. Zakona o zaštiti od požara i vatrogastvu („Službene novine Federacije BiH“, broj: 64/09), Odluke o uvjetima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća („Službene novine Federacije BiH“, broj: 46/05 i 61/07), člana 10. i člana 49. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području Općine Goražde („Službenme novine Općine Goražde“, broj:07/09) i člana 84. Statuta Općine Goražde („Službene novine Bosansko-podrinjskog kantona Goražde“, broj:13/07), Općinsko vijeće Općine Goražde, na trideset osmoj redovnoj sjednici, održanoj dana 31.01.2012. godine, **donosi:**

ODLUKU

o imjeni i dopuni Odluke o davanju saglasnosti na Program razvoja zaštite i spašavanja od prirodnih i drugih nesreća u Općini Goražde za razdoblje od 2010. do 2014. godine, broj: 01-02-2321 od 11.05.2010. godine

Član 1.

Ovom se Odlukom daje saglasnost na izmjene i dopune Programa razvoja zaštite i spašavanja od prirodnih i drugih nesreća u Općini Goražde za razdoblje od 2010. do 2014. godine, broj: 01-02-2321 od 11.05.2010. godine.

Član 2.

U članu 2. Odluke broj: 01-02-2321 od 11.05.2010. godine iza riječi „iznosi“ iznos „703.000,00“ se mijenja i glasi na iznos od „809.882,73“.

Član 3.

Izmjene i dopune Programa iz člana 1. ove Odluke sastavni su dio ove Odluke.

Član 4.

Ova Odluka stupa na snagu osam dana od dana objavljivanja u „Službenim novinama Općine Goražde.“

Broj: 01-02-447

Goražde; 31.01.2012. godine

PREDSJEDAVALA VIJEĆA

Vesna Marić

0796

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na 38. redovnoj sjednici, održanoj dana 31.01.2012. godine, **donosi:**

ZAKLJUČAK

1. Utvrđuje se Nacrt odluke o spomen-obilježjima na području općine Goražde, koji može poslužiti kao osnova za izradu prijedloga odluke, sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
2. Nacrt odluke upućuje se na javnu raspravu, koja će se organizovati i provesti u obimu sedam lokaliteta, gdje bi jedan od lokaliteta bio Osanica – Rešetnica, na koju će se pozvati predstavnici savjeta mjesnih zajednica, udruženja i svih građana i sva druga zainteresovana lica.
3. Javnu raspravu će provesti Komisija za pitanje boračko-invalidske zaštite, izbjeglih i raseljenih lica u saradnji sa Službom za boračko-invalidsku i socijalnu zaštitu.
4. Rok za provođenje javne rasprave je do 60 dana.
5. O rezultatima javne rasprave Komisija za pitanje boračko-invalidske zaštite, izbjeglih i raseljenih lica će podnijeti izvještaj Općinskom vijeću sa primjedbama i prijedlozima iznesenim u toku javne rasprave.
6. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-451

Goražde, 31.01.2012. godine

PREDSJEDAVALA VIJEĆA

Vesna Marić

0797

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset osmoj redovnoj sjednici, održanoj dana 31.01.2012. godine, **d o n o s i:**

Z A K L J U Č A K

1. Zadužuje se nadležni organ da izvrši neophodne radnje u cilju onemogućavanja pristupa mostu ispod mosta „Alije Izetbegovića“, do početka njegove rekonstrukcije.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-449

Goražde, 31.01.2012. godine

PREDSJEDAVAJUĆA VIJEĆA

Vesna Marić

0798

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na 38. redovnoj sjednici, održanoj dana 31.01.2012. godine, **d o n o s i:**

Z A K L J U Č A K

1. Utvrđuje se Nacrt odluke o značajnim manifestacijama i načinu proglašavanja i finansiranja manifestacija od općeg interesa na području općine Goražde, koji može poslužiti kao osnova za izradu prijedloga odluke, sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
2. Nacrt odluke se upućuje na javnu raspravu, koja će se organizovati i provesti u obimu jedne centralne javne rasprave, na koju će se pozvati svi predstavnici savjeta mjesnih zajednica, nevladinih organizacija, udruženja i svih građana i sva druga zainteresovana lica.
3. Javnu raspravu će provesti Komisija za mlade Općinskog vijeća.
4. Rok za provođenje javne rasprave je do 60 dana.
5. O rezultatima javne rasprave Komisija za mlade će podnijeti izvještaj Općinskom vijeću sa primjedbama i prijedlozima iznesenim u toku javne rasprave.

6. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-450

Goražde, 31.01.2012. godine

PREDSJEDAVAJUĆA VIJEĆA

Vesna Marić

0799

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset osmoj redovnoj sjednici, održanoj dana 31.01.2012. godine, **d o n o s i:**

Z A K L J U Č A K

1. Usvaja se Izvještaj o realizaciji zaključaka sa prethodne, 37. redovne sjednice Općinskog vijeća Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-448

Goražde, 31.01.2012. godine

PREDSJEDAVAJUĆA VIJEĆA

Vesna Marić

0800

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset osmoj redovnoj sjednici, održanoj dana 31.01.2012. godine, **d o n o s i:**

Z A K L J U Č A K

1. Ne usvaja se inicijativa vijećnika Jasmina Bešlije, koja je podnesena na 37. redovnoj sjednici Općinskog vijeća Općine Goražde, a koja se odnosi na donošenje izmjena i dopuna Odluke o izmjenama naziva ulica, trgova, mostova i ustanova na području općine Goražde, a na dio koji se odnosi na izmjenu naziva mosta „Alija Izetbegović“ u naziv „Most žrtava fašizma“.
2. Podnesena inicijativa, kao i mišljenje Komisije za statutarna pitanja i propise o podnesenoj inicijativi,

prilikom izjašnjavanja vijećnika nisu dobili potrebnu većinu.

0802

3. Zaključak stupa na snagu danom donošenja, a bit će objavljen u „Službenim novinama Općine Goražde“.

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset osmoj redovnoj sjednici, održanoj dana 31.01.2012. godine, **d o n o s i:**

Broj: 01-05-454

Goražde, 31.01.2012. godine

PREDSJEDAVAJUĆA VIJEĆA

Vesna Marić

0801

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj 2/08), Općinsko vijeće Općine Goražde, na trideset osmoj redovnoj sjednici, održanoj dana 31.01.2012. godine, **d o n o s i:**

Z A K L J U Č A K

1. Ne usvaja se inicijativa vijećnika Mustafe Gece, koja je podnesena na 37. redovnoj sjednici Općinskog vijeća Općine Goražde, a koja se odnosi na donošenje izmjena i dopuna Statuta Općine Goražde, zbog toga što ista nije podnesena od ovlaštenog predlagача, kako je propisano članom 88. Statuta Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-452

Goražde, 31.01.2012. godine

PREDSJEDAVAJUĆA VIJEĆA

Vesna Marić

Z A K L J U Č A K

1. Ne usvaja se inicijativa vijećnika Mustafe Gece, koja je podnesena na 37. redovnoj sjednici Općinskog vijeća Općine Goražde, a koja se odnosi na izgradnju mosta preko rijeke Drine u naselju Kodžaga Polje, zbog toga što ista nije u skladu sa Poslovníkom Općinskog vijeća Općine Goražde, kojim je propisan način podnošenja inicijative i sadržaj podnesene inicijative.
2. Sugeríše se vijećniku Mustafi Geci da ovu svoju inicijativu pokuša realizovati kroz postavljanje vijećničkog pitanja.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-453

Goražde, 31.01.2012. godine

PREDSJEDAVAJUĆA VIJEĆA

Vesna Marić

SADRŽAJ

0790	ODLUKU o stavljanju van snage Odluke o participaciji Općine Goražde političkim strankama u rješavanju pitanja sjedišta stranki	518
0791	ODLUKU o izmjenama Odluke o jedinstvenom načinu ustupanja, korištenja i zaštiti poslovnih prostorija i zgrada u vlasništvu Općine Goražde	518
0792	O D L U K U o usvajanju Plana prevencije i suzbijanje seksualnog i rodno baziranog nasilja na području općine Goražde za 2012-2013. godinu	519
0793	O D L U K U o vodovodu i kanalizaciji	519
0794	O D L U K U o usvajanju Elaborata o javnim površinama na području Općine Goražde za 2012. i 2013.godinu	526
0795	ODLUKU o imjeni i dopuni Odluke o davanju saglasnosti na Program razvoja zaštite i spašavanja od prirodnih i drugih nesreća u Općini Goražde za razdoblje od 2010. do 2014. godine, broj: 01-02-2321 od 11.05.2010. godine	527
0796- 0802	ZAKLJUČCI	527

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik: sekretar Općinskog vijeća Općine Goražde, Samir Kanlić, tel: +38738221161 i pomoćnik načelnika Službe za javne servise i tehničke poslove, Sanid Zirak, tel: +38738221796.

Štampa **GRAFOMERX** Goražde.